

246

337

Bosna i Hercegovina
Federacija Bosne i Hercegovine
KANTON SARAJEVO
Ministarstvo za obrazovanje, nauku
i mlade



Bosnia and Herzegovina
Federation of Bosnia and Herzegovina
CANTON SARAJEVO
Ministry for Education, Science and
Youth

Broj: 11-04-38- sl. /16
Sarajevo, 22.02.2016. godine

SKUPŠTINA KANTONA SARAJEVO
n/r Ane Babić, predsjedavajuća Skupštine Kantona Sarajevo

Veza Vaš akt br.01-05-32256/15

ZASTUPNIČKO PITANJE

Poslanica/zastupnica na Desetoj Radnoj sjednici Skupštine Kantona Sarajevo, održanoj dana 29.12.2015.godine, u okviru tačke Dnevnog reda, „Zastupnička pitanja, inicijative i odgovori“ u skladu sa Poslovníkom Skupštine Kantona Sarajevo, postavila je poslaničko/zastupničko pitanje:

„Kao što je široj javnosti poznato, cijena boravka u vrtićima JU Djeca Sarajeva, od oktobra je povećana za 20 KM. Pošto sam se za ovu inicijativu zalagala još u prošlom mandatu, njen cilj je bio unapređenje zdravlja djece, te smanjenje bolesti nastalih kao posljedica loših prehrambenih navika, a kroz uvođenje standarda i normativa prehrane.

Šta se postiglo povećanjem, odnosno u šta je investiran novac, kada djeca još uvijek za doručak i užinu imaju džem i eurokrem.

Dakle, jaja, mlijeko i mliječni proizvodi se već više od pola godine ne nabavljaju.

Obećano je i uvođenje HACCAP sistema kontrole, što se još nije desilo.

Ukratko, sve ostalo je isto“.

ODGOVOR

Ministarstvo za obrazovanje, nauku i mlade Kantona Sarajevo, obratilo se Javnoj ustanovi Djeca Sarajeva aktom kojim smo tražili odgovor na poslaničko pitanje poslanice Segmedine Srne, koji Vam dostavljamo u cijelosti.

„U vezi zastupničkog pitanja postavljenog od strane gde Segmedine Srne a u vezi sa povećanjem cijene u vrtićima, moramo istaći činjenicu da se cijena smještaja u vrtićima nije mijenjala od 2004. godine iako su kontinuirano rasli troškovi energenata, hrane, komunalnih usluga i održavanja čistoće.

Tačna je informacija da nakon trovanja salmonelom u aprilu 2015. godine nismo vršili nabavku mlijeka i mliječnih proizvoda od dobavljača Gold Mignon d.o.o. Sarajevo sa kojim smo imali zaključen ugovor za taj LOT. Za vrtić „Dječiji grad“ u kome je smješšana centralna kuhinja, rješenjem Kantonalne uprave za inspeksijske poslove od 29.04.2015. godine, zabranjeno je Javnoj ustanovi „Djeca Sarajeva“ da upotrebljava namirnice animalnog porijekla, a koje su se dobavljale od strane ponuđača Gold Mignon d.o.o. Sarajevo.

Dokaz: Rješenje od 29.04.2015. godine.

Dopisom od 29.06.2015. godine, pozvali smo ponuđača da se izjasni o daljnjoj sudbini Ugovora a obzirom da od dana 29.04.2015. godine, ova ustanova nije zaprimala pošiljke i isporuke prema zaključenom Ugovoru sa ponuđačem Gold Mignon d.o.o. Sarajevo, u kojem zahtjevu smo upoznali ponuđača sa mikrobiološkim nalazima Zavoda za javno zdravstvo. Prema Izvještaju o mikrobiološkom ispitivanju hrane od 04.05.2015.



web: <http://www.monks.ba>
e-mail: mon@mon.ks.gov.ba
Tel: + 387 (0) 33 562-128, Fax: + 387 (0) 33 562-218
Sarajevo, Reisa Džemaludina Čauševića 1



godine (*Dokaz Izvještaj*), utvrđeno je da proizvod kisela pavlaka nezadovoljava mikrobiološke standarde, odnosno da je u istim pronađeno koagulazu pozitivnih Stafilokoki, te Enterobacteriaceae, koja je uzročnik salmonela. Na ovaj dopis ponuđač Gold Mignon d.o.o. Sarajevo nikada nije dao odgovor.

Dokaz: Zahtjev od 29.06.2015. godine.

Takođe napominjemo da smo u tom periodu imali nekoliko donacija mlijeka i mliječnih proizvoda od domaćih kompanija kao što su Zenička industrija mlijeka Zim d.d., Mlijekoprodukt d.o.o. Kozarska Dubica, Sarajevska mljekara Milkos i Bingo.

Nakon sprovedenih Javnih nabavki hrane za 2016. godinu, prispjelih i otvorenih ponuda, Komisija je donijela odluku o odbacivanju ponude ponuđača Gold Mignon doo, zbog štete prouzrokovane u prethodnoj godini koja je iznosila 131,469,00 KM, a odnosila se na oslobađanje plaćanja usluga vrtića za djecu oboljelu od salmonela i djecu koja su se hranila po tzv. režimu suhe hrane.

Ovdje ne govorimo o tome koliku je „štetu“ prouzrokovalo dječijem zdravlju, boravku na klinici, roditeljskim strahovima, neprospavanim noćima i sl.

Ponuđač Gold Mignon je ovom ugovornom organu i Uredu za razmatranje žalbi uputio Žalbu na Odluku i to za tri Lot-a, čime je blokiran postupak nabavke hrane za te LOT-ove.

Uzimajući u obzir i tu činjenicu, ali i to da imamo na raspolaganju nabavku hrane za ostalih pet lotova, odmah smo izvršili nabavku svih proizvoda kako bi djeca u vrtićima imali zdravu i uravnoteženu ishranu. Tako je jelovnik uveliko obogaćen svježim mlijekom, mileramom, sirnim namazima, svježim sirom. Ono što je važno istaći je da smo po prvi put uveli i dodatni, voćni obrok, koji djeca dobiju nakon užine, u periodu od 15-15:30 sati. Takođe se vrši redovna nabavka mesa i to namjanje tri puta sedmično.

Dana 05.02.2016. godine, smo od Ureda za razmatranje žalbi Bosne i Hercegovine dobili Zaključak da se žalba ponuđača Gold Mignon po osnovu tri Lota na koja su se žalili, odbacuje. Te smo pristupili potpisivanju ugovora za sve lotove sa izabranim dobavljačima, tako da se nesmetano odvija nabavka hrane po svim lotovima.

U vezi implementacije HACCP standarda obavještavamo Vas da je Javna ustanova „Djeca Sarajeva“, obezbijedila sredstva za implementaciju od septembra 2015 godine, te je sprovedena detaljna analiza objekata sa utvrđivanjem stanja u vrtićima, i ukazivanje na neophodne izmjene u određenim objektima. Takođe je izvršena edukacija svih uposlenika koji učestvuju u nabavci, pripremi, distribuciji i posluživanju hrane za djecu. Izvršena je nabavka profesionalnih termometara za sve vrtiće kao i novo dostavno vozilo sa ugrađenim rashladnim sistemom. Također je izvršena ugradnja rashladnih uređaja na preostala dva dostavna vozila.

Takodjer ističemo da smo u mjesecu januaru 2016. godine uputili Ministarstvu finansija Kantona Sarajevo zahtjev da se više naplaćeni sopstveni prihodi iz 2015. godine, u odnosu na planirani Budžet, u iznosu od 211.356,00 KM, a koji su najvećim dijelom rezultat povećanja cijena usluga vrtića od mjeseca oktobra 2015. godine, razgraniče na korištenje JU „Djeca Sarajeva“ u 2016. godini na poziciji nabavke materijala (hrane).

Cijeneći specifičnost djelatnosti Ustanove, uz napomenu da se radi o sopstvenim prihodima koje ćemo usmjeriti na poboljšanje kvaliteta ishrane djece u vrtićima, iskreno se nadamo pozitivnom odgovoru po ovom pitanju, kao i svih prethodnih godina., te da ćemo navedena sredstva imati dodatno na raspolaganju u okviru Budžeta u 2016. godini“.

S poštovanjem,

Materijal pripremila: Indira Mešković
Materijal pregledao: Abid Fejzić
Materijal kontrolisala: Ljiljana Prelčec



MINISTAR

Elvir
Prof. dr. Elvir Kazazović



web: <http://www.monks.ba>
e-mail: monks@ks.gov.ba
Tel: + 387 (0) 33 562-128, Fax: + 387 (0) 33 562-218
Sarajevo, Reisa Džemaludina Čauševića 1

